

**Aningaasarsianik malunnarunnaarsaasarneq pillugu inatsimmik,
 aningaasalersuineq pillugu inatsimmik aamma inatsisinik
 assigiinngitsunik allanik allannguneq pillugu inatsimmi § 1-imik
 Kalaallit Nunaannut atuutilersitsineq pillugu peqqussut
 (peqquserlunnikkut aningaasalersuineranut akiuiniarnermik sukaterineq aamma
 aningaasarsianik malunnarunnaarsaasarneq pillugu malitassiat sisamaata (4.)
 aamma tallimaata (5.) naammassineqarnerat)**

UAGUT MARGRETHEP AAPPAAT, Guutip saammaassineratigut Danmarkip Dronningia,
 tamanut ima nalunaarpugut:

**Aningaasarsianik malunnarunnaarsaasarneq pillugu inatsimmik, aningaasalersuineq pillugu inatsimmik aamma
 inatsisinik assigiinngitsunik allanik allannguneq pillugu inatsit nr. 1563, 27. december 2019-imeersoq malillugu,
 (pinerlunnikkut aningaasalersuineranut akiuiniarneq aamma aningaasanik peqquserluutinik malunnarunnaarsaaneq
 pillugu malitassiat sisamaata aamma tallimaata naammassineqarnerat) makku aalajangersarneqarput:**

§ 1

Aningaasarsianik malunnarunnaarsaasarneq aamma peqqarniisaarniarnermut aningaasalersuineq pitsaaliorniarlugit pineqaatissiisutit pillugit inatsimmi (aningaasanik peqquserluutinik malunnarunnaarsaaneq pillugu inatsit), kunngip peqqussutaatigut Kalaallit Nunaannut atuutilersinneqartumi nr. 2627, 29. december 2021-imeersukkut, peqqussut nr. 956, 17. maj 2021-meersukkut allanngortinneqartumi, inatsit nr. 1563, 7. maj 2019-imeersumi § 1 malillugu tulliuttut allanngortinneqarput.

1. § 26, imm. 1, oqaaseqatigiinni siullerni, imm. 2, imm. 3, oqaaseqatigiit aappaanni, imm. 4, oqaaseqatigiinni siullerni aamma aappaanni, aammalu imm. 6, § 28, § 36, imm. 2, oqaaseqatigiinni siullerni, aammalu § 74, imm. 1, oqaaseqatigiinni siullerni, »Immikkut Ittunik Aningaasaqarnermut aamma Nunani tamalaani Pinerlunniarnermut Naalagaaffiup eqqartuussissuserisua« imaalillugu allanngortinneqarpoq: »Aningaasarsianik malunnarunnaarsaasarneq pillugu, Kalaallit Nunaannut Allattoqarfik«.

2. § 17-imi imm. 2-p kingorna immikkoortut nutaatut ikkunneqarput:

»Imm. 3. Imm. 2-mi eqqaaneqartut iliuusissat saniasigut, suliffeqarfiit aamma inuit, nunanik, nunat peqatigiit avataanniittunut nunanut annertuumik aarlerinaatilittut Europa-Kommission-ip allattugaataanut ilaasunik akuutitaqarlutik inuit imaluunniit inatsisitigut akisussaasuusut (assersuutigalugu suliffeqarfiit, peqatigiiffiit, aningaasaateqarfiit aamma pisortani oqartussaasut il.il.) nuussineramik ingerlatsigaangata, ataatsimik imaluunniit arlalinnik ilassutitut aarlerinaammik killiliissutaasunik sillimaniutinik ingerlataqartassapput. Sillimaniutit tamakku tulliuttut ataatsit imaluunniit arlalittut pissuseqartassapput:

- 1) Niueqatigisanut/sullitanut ilisimannilerniarnermut periaatsinut sukaterutitut ilassutaasunik atuineq.
- 2) Attuumassutilinnik sukumiinerusunik nalunaaruteqartarnermut atortunik, imaluunniit aningaasaliisutitik nuussisarnermut nalunaaruteqartarnermut aaqqissuussamik atuutilersitsineq.
- 3) Niueqatigisartakkat amerlassusiinik, imaluunniit, nunat peqatigiit avataanniittut nunat annertuumik aarlerinaatilittut ilisimaneqartunik peqateqarluni, inunnik imaluunniit inatsisitigut akisussaasuusunik (assersuutigalugu suliffeqarfinnik,

peqatigiiffinnik, aningaasaateqarfinnik aamma pisortani oqartussaasunik il.il.) nuussueqateqartarnernik ingerlatsisarnernik killiliineq.

Imm. 4. Imm. 3-mi eqqaaneqartut sillimaniutit saniasigut, niueqatigisartakkatut attavigisani imaluunniit nuussinerni, nunat peqatigiit avataanniittunik annertuumik aarlerinaatilitutt Europa-Kommission-ip allattugaataani allassimasunik nunanik peqateqarfiusuni, tamanna attuumassuteqartutut nalilerneqarpat, minnerpaamik, inatsimmi matumani aalajangersagaasunut niueqatigisanut/sullitanut ilisimannilerniarnermut periaatsinik assingusunik, niueqatigisanut/sullitanut ilisimannilerniarnermut periaatsit pillugit piumasagaatinik maleruaasussaataasumi taarsigassarsisitsisarfinmi sullitap atiani konto-kkut siullermeerluni akiliinerup ingerlanneqartarnissaa, suliffeqarfiit aamma inuit, qulakkeertassavaat.«

Imm. 3 tamatuma kingorna imm. 5-inngussaaq.

3. § 22, imm. 5, oqaaseqatigiini siullerni, »aningaasarsianik malunarnunnaarsaasarneq imaluunniit pinerliiniarnernik aningaasalersuinerumt annertuumik aarlerinaatilitutt naliliivigineqartut nunat« imaallillugu allangortinneqarpoq: »nunat peqatigiit avataanniittut nunat annertuumik aarlerinaatillit«.

4. Kapitali 5-imut qulequtaq ima allanneqarpoq:

»Kapitali 5

Misissuinissamut-, allattuinnissamut-, nalunaaruteqarnissamut-, paasissutissiinnissamut- aamma toqqorsimatitsinissamut pisussaaffik«.

5. § 26-ip kingorna ikkunneqarpoq:

»§ **26 a.** Eqqartuussissuserisoqatigiinnut (Advokatsamfundet-imut) allattoqarfik, tulliuuttunik pillugit paasissutissanik imaqartartussamik, ukiumoortumik nalunaarusiamik tamanut saqqummiussisassaaq:

1) Inatsimmik matuminnga unioqquitsinerusinnaasut pillugit nalunaarutit tiguneqarsimasut amerlassusaat.

2) § 26, imm. 2 malillugu kalerriutit tigusimasat amerlassusaat, aamma Eqqartuussissuserisoqatigiinnut (Advokatsamfundet-imut) allattoqarfiup Aningaasarsianik malunarnunnaarsaasarneq pillugu Allattoqarfimmut nassiussimasaa kalerriutit taamaattut amerlassusaat.

3) Ulorianaatinik naliliineq aamma ulorianaatinik aqutsineq pillugu kapitali 2, niueqatigisanut/sullitanut ilisimannilerniarnermut periaatsit pillugit kapitali 3 aamma misissuinissamut-, allattuinnissamut-, nalunaaruteqarnissamut-, paasissutissiinnissamut- aamma toqqorsimatitsinissamut pisussaaffik pillugu kapitali 5-i malillugit suliffeqarfiit aamma inuit inatsimmut ilatinneqartut, pisussaaffimminnik eqqortitsinerannik, alaatsinaannissaq siunertaralugu, § 64, imm. 2 malillugu Eqqartuussissuserisut siunnersuisoqatigiivinit (Advokatråd-imit) sillimaniutitut iliuusissat aalajangiigaasut imarisaat aamma amerlassusaat.«

6. § 29 ima allanneqarpoq:

»§ **29.** Aningaasaliisarnernik paasiniaasartoqarnermut suleqatigiissitaq tassaavoq Aningaasarsianik malunarnunnaarsaasarneq pillugu Kalaallit Nunaannut Allattoqarfik, Danmarkimi Aningaasarsianik malunarnunnaarsaasarneq pillugu Allattoqarfimmi inissisimasoq. Suleriaatsimini arlaannaannulluunniit attuumassuteqanngilaq aammalu namminersorluni ingerlasuulluni, ima paasillugu, allattoqarfik piginnaasaqarpoq aammalu suliassani nammineq piumasamisut suliarinissaat aamma namminersuutiginnissaat nammassinnaallugit, imm. 2-mi nassuiarneqartutut paasissutissanik immikkut ittunik misissueqqissaarnissaq, qinnuteqarnissaq aamma ingerlatitseqqinnissaq pillugu aalajangiinnaassuseqarluni.

Imm. 2. Aningaasarsianik malunarnunnaarsaasarneq pillugu Kalaallit Nunaannut Allattoqarfiup nuna tamakkerlugu qitiusutut suleqatigiissitatut

- 1) nuussinerit pasinartut aamma pinerlunnernut imaluunniit pinerliiniarnernik aningaasalersuinerumt itinerusumik attuumassuteqartut, aningaasanik peqquserluutunik malunarnunnaarsaasarnermut attuumassutillit paasissutissat allat pillugit kalerriutit tigussallugit aamma misissoqqissaassallugit aamma
- 2) pinerlunnernut imaluunniit pinerliiniarnernik aningaasalersuinerumt itinerusumik attuumassuteqartut, aningaasanik peqquserluutunik malunarnunnaarsaasarneq pillugu pasitsaasaqarnermi, piginnaasaqartunut oqartussaasunut, immikkoortotaqarfinnut aamma aalajangiisartunut, nammineq misissueqqissaarnermi aamma paasissutissat attuumassuteqartut allat tamaasa, inernerisa ingerlateqqinnissaat, suliassarai.

Imm. 3. Oqartussaasut allat suleqatigalugit, aningaasanik peqquserluutininik malunnarunnaarsaasinnaanermut ulorianaatinik atuuttunik suussusersinninnissaq, naliliinissaq, paasinninnissaq aamma killiliisimaarnissaq siunertaralugu, nuna tamakkerlugu aningaasanik peqquserluutininik malunnarunnaarsaasarneq pillugu susassaqarfimmi ulorianaammik naliliinermik suliaqarnissaq aammalu nutarsaasarnissaq, aningaasanik peqquserluutininik malunnarunnaarsaasarneq pillugu Kalaallit Nunaannut Allattoqarfiup akisussaaffigaa.

Imm. 4. Aningaasanik peqquserluutininik malunnarunnaarsaasarneq pillugu Kalaallit Nunaannut Allattoqarfiup, aningaasanik peqquserluutininik malunnarunnaarsaasarnermik aamma pinerliiniarnernik pitsaaliuineq, nassaarnissaq aammalu sunniteqarluartumik akiuinissaq siunertaralugu, suliffeqarfik imaluunniit inuk § 27, imm. 1-miit 3-mut malillugit kalerriisussaatitaanermiit mininneqarsimangippata, inatsimmut matumunnga ilaatinneqartuniit suliffeqarfimmiit aamma inunniit, imm. 2-mi nassuiarneqartut allattoqarfiup suliaasaanik isumaginninnissamut, paasissutissat pisariaqartut sulluunniit piumasarisinnaavai. Kalaallit Nunaanni Aningaasanik peqquserluutininik malunnarunnaarsaasarneq pillugu Allattoqarfimmiit qinnuteqartoqarneratigut, inatsimmut matumunnga ilaatinneqartut suliffeqarfiiit aamma inuit, ingerlaannaq paasissutissat pisariaqartut tamaasa allattoqarfimmut tunniussisassapput. Periaatsimut, Eqqartuussissuserisoqatigiinni ilaasortat paasissutissiisussaatitaanermik naammassinnissinnaanernunut naleqqiullugu, § 26, imm. 2 taamatuttaaqtuuppoq.

Imm. 5. Aningaasarsianik malunnarunnaarsaasarneq pillugu Kalaallit Nunaanni Allattoqarfiup, misissueqqissaartartunut akorngutaanngippat, ilaatillugu unnerluutiginnittoqarsimanersooq pillugu, inaarutaasumik aalajangiisoqarsimanersooq pillugu imaluunniit suliaq toqqorallarneqarnersooq pillugu, suliffeqarfik, inuk imaluunniit oqartussaasooq kalerriisuteqartuusoq, § 26, imm. 1, imaluunniit § 28 malillugu, kalerriuteqarsimasooq, suliame killiffiusooq pillugu nalunaarummik tunisinnavaa.

Imm. 6. Imm. 5-imi eqqaaneqartutut nalunaarutit tiguneqarsimasut, susassaqaanngitsunut ingerlateqqeqqusaanngillat.«

7. § 29-ip kingorna ikkunneqarpoq:

»§ 29 a. Aningaasarsianik malunnarunnaarsaasarneq pillugu Kalaallit Nunaanni Allattoqarfik, EU-mi nunap ilaasortaasup aningaasaliisarnernut paasiniaasartuinut paasissutissanik ingerlatitseqqiinerlutit atatillugu, paasissutissanik pineqartunik atuinerlutit killilersuutininik aamma piumasaqaatinik aalajangersaasannaavoq.

Imm. 2. Aningaasarsianik malunnarunnaarsaasarneq pillugu Kalaallit Nunaanni Allattoqarfiup, itinerusumik attuumassuteqartup pinerlunnerup suunera apeqqutaatinngagu, Aningaasarsianik malunnarunnaarsaasarneq pillugu Kalaallit Nunaanni Allattoqarfimmiit tigusimasaa aningaasaliisarnermik paasiniaasartoqatigiit pineqartut, piginnaasaqartunut oqartussaasunut, immikkoortortaqaqfinnut aamma aalajangiisartunut paasissutissanik ingerlatitseqqiisinnaanermut akuersissut pillugu EU-mi nunap ilaasortaasup aningaasaliisarnernut paasiniaasartoqatigiiviniit qinnuteqaat ingerlaannaq akissavaa sapinngisarlu tamaat suleqataaffigissallugu. Ingerlatitseqqiisinnissamut siunertaasooq, § 29, imm. 2-mi nassuiaatigineqartutut, suliaasaanik isumaginninnissamut avaqqutsinngippat, imaluunniit aalajangersimasunik peqquteqarpat isumaqassalluni ingerlatitseqqiineq pitsaaliuinerlutit, qulaajaanermut, imaluunniit iliutsininik pillagaassutaasartunik misissueqqissaarnerlutit, imaluunniit pineqaatissiisutininik naammassinninnissamut, piuminaallisaataasappat allatulluunniit qallunaat eqqartuussisaasianni najoqqutassianut tunngaviusumik naapertuutinngitsoqartussaappat, Aningaasarsianik malunnarunnaarsaasarneq pillugu Kalaallit Nunaanni Allattoqarfiup tamatumunnga atatillugu qinnuteqaatip taama ittup suleqataaffiginissaa itigartitsissutigeqqusaanngilaa.

Imm. 3. Imm. 2 malillugu qinnuteqaammik itigartitsineq, erseqqissumik tunngavilersorneqassaaq.

Imm. 4. Aningaasarsianik malunnarunnaarsaasarneq pillugu Kalaallit Nunaanni Allattoqarfiup, EU-mi naalagaaffimmiit ilaasortaasup aningasaliisarnermik paasiniaasartoqatigiivinniit allattoqarfiup tigusaanik paasissutissanik atuinnissamut killilersuutit aamma piumasaqaatit aalajangersagaasimasinnaasut eqqortissavai. Taamaalilluni Aningaasarsianik malunnarunnaarsaasarneq pillugu Allattoqarfik, paasissutissanik aallernernut imaluunniit tunniussinernut siunertanut, paasissutissanik taamaattunik taamaallaat atuisinnaavoq. Aningaasarsianik malunnarunnaarsaasarneq pillugu Kalaallit Nunaanni Allattoqarfiup, oqartussaasunut, immikkoortortaqaqfinnut imaluunniit aalajangiisartunut piginnaasaqartunut paasissutissanik taamaattunik ingerlatitseqqiisinnaanera, imaluunniit siunertanut allanut paasissutissanik taamaattunik atuinera, EU-mi naalagaaffimmi ilaasortaasumi aningasaliisarnermik paasiniaasartoqatigiit tunniussisuusut siumungaaq akuersisimanerannik piumasaqaatitaqarpoq.«

8. § 30-ip kingorna kapitali 5-imi ikkunneqarpoq:

»§ 30 a. Euro-nik ingerlaannaq akiliuteqarnernut aamma toqqaannartumik ikisinernut atortutigut aamma niueqatigiinneq eqqarsaatigalugu piumasaqaatit pillugit Europa-Parlament-ip aamma Råd-ip peqqussutaani 260/2012/EU, 14. marts 2012-imeersumi isumasiusigaasooq, IBAN-ikkut kinaassusersineqartartut akiliisitsinerlutit konto-mik imaluunniit bankkonto-mik nakkutigisaqarlutilluunniit pigisaqartut inuit imaluunniit inatsisitigut akisussaasut (Juridiske personer; - inatsisitigut

akisussaasut (assers. suliffeqarfiit, kattuffiit il.il.) tamaasa kinaasusersinissaannik periarfissiisut qitiusumik atortut isumamineertut, aamma (EF) nr. 924/2009-mik peqqussummik allannguneq pillugu, kiisalu taarsigassarsitsisarfirmitt Danmark-imi angerlarsimaffeqartumit pigineqartut, boksit aningaasanik ikisiffigisartakkat, pillugit Erhvervsminister-i maleruagassanik sukumiinerusunik aalajangersaasinnaavoq. Ilaatillugit qitiusumik atortut isumamineertut pisortanit imaluunniit namminersortunit ingerlatarinqarsinnaaneri kiisalu paasissutissat suut takuneqarsinnaassanersut aamma qitiusumik atortutigit isumamineertutigit ujarneqarsinnaassanersut pillugit Minister-i maleruagassanik sukumiinerusunik aalajangersaasinnaavoq.

§ 30 b. Inatsit manna naapertorlugu Kalaallit Nunaanni illuutinik assigisaannillu pigisaqartunik inunnik imaluunniit inatsisitigit akisussaasunik (ass. suliffeqarfinnik) tamanik piffissaq eqqorlugu kinaassusersinissamut periarfissiilluni, Aningaasarsianik malunnarunnaarsaasarneq pillugu Kalaallit Nunaannut Allattoqarfik aamma nuna tamakkerlugu oqartussaasut piginnaasaqartut allat, paasissutissanik takunnissinnaanerata qulakkeerneqarpoq.«

9. § 31-ip kingorna ikkunneqarpoq:

»§ 31 a. Oqartussaasut taakku, inatsimmik suliffeqarfiup imaluunniit inuup eqqortitsineranik nakkutilliisuusut, nunat peqatigiit avataanniittut nunat annertuumik aarlerinaatillit pillugit Europa-Kommission-ip allattaaviani allassimasumi nunami angerlarsimaffeqartunik, ingerlatseqatigiiffinnik allanit pigineqartunik ingerlatseqatigiiffinnik, immikkoortortaqarfinnik imaluunniit suliffeqarfinnit imaluunniit inunnit Kalaallit Nunaanni sinniisoqarfinnik pilersitsinissamut itigartitsinnaavoq.

Imm. 2. Oqartussaasut taakku, inatsimmik suliffeqarfiup imaluunniit inuup eqqortitsineranik nakkutilliisuusut, nunat peqatigiit avataanniittut nunat annertuumik aarlerinaatillit pillugit Europa-Kommission-ip allattaaviani allassimasumi nunami angerlarsimaffeqartunik suliffeqarfinnik aamma inunnik, ingerlatseqatigiiffinnik allanit pigineqartunik ingerlatseqatigiiffinnik, immikkoortortaqarfimmik imaluunniit suliffeqarfiit imaluunniit inuit Kalaallit Nunaanni sinniisoqarfinnik taamaallaat piumasaqaatit immikkut ittut ataanni pilersitsinissaanerata pillugu maleruagassanik aalajangersaasinnaapput.

§ 31 b. Inatsimmut ilaatinneqartut suliffeqarfiit aamma inuit, nunat peqatigiit avataanniittumi annertuumik aarlerinaatillit Europa-Kommission-ip allattaaviani allassimasumi nunami (naalagaaffimi) immikkoortortaqarfimmik imaluunniit sinniisoqarfittut allaffeqarfimmik pilersitsinissamik kissaateqartut, tamanna, suliffeqarfiit imaluunniit inuit inatsimmik matuminnga eqqortitsinersut alaatsinaattunut oqartussaasunut, tulluuttut paasissutissat:

- 1) Nunami sorlermi immikkoortortaqarfik imaluunniit sinniisoqarfittut allaffeqarfik pilersinniarlugu kissaatigineqartoq.
- 2) Immikkoortortaqarfimmi imaluunniit sinniisoqarfittut allaffeqarfimmi, ilaatillugit aqqissuussaanera, aamma ingerlanniakkat pilersaarutigineqartut pillugit paasissutissanik, ingerlanneqartartussanik nassuiaat.
- 3) Immikkoortortaqarfiup imaluunniit sinniisoqarfittut allaffeqarfiup sumiiffittut adresse-ssaa.
- 4) Immikkoortortaqarfiup imaluunniit sinniisoqarfittut allaffeqarfiup siulersuisutut ilaasortaasa aqqi, ilanngullugit nalunaarutigissavaat.

Imm. 2. Taakkua oqartussaasut, suliffeqarfiup imaluunniit inuup, inatsimmik matuminnga eqqortitsineranik alaatsinaattuusut, nunat peqatigiit avataanniittumi annertuumik aarlerinaatillit Europa-Kommission-ip allattaaviani allassimasumi nunami immikkoortortaqarfinnik imaluunniit sinniisoqarfittut allaffeqarfinnik pilersitsinissamut suliffeqarfik imaluunniit inuk inerteqquteqarfigisnaavaat.

Imm. 3. Taakkua oqartussaasut, suliffeqarfiup imaluunniit inuup, inatsimmik matuminnga eqqortitsineranik alaatsinaattuusut, immikkoortortaqarfik imaluunniit sinniisoqarfittut allaffeqarfik pineqartoq, aningaasanik peqquserluutinik malunnarunnaarsaasarnermik aamma peqqarniisaarniarnermut aningaasalersuineramik pitsaaliuinissamut aqqissuussanik naammangitsumik pilimmi nunami inissisimaffeqalersinnaanerata, suliffeqarfiup imaluunniit inuup eqqumaffiginninnissaa pillugu maleruagassanik aalajangersaasinnaapput.«

10. § 34-ip kingorna kapitali 6-imi ikkunneqarpoq:

»§ 34 a. FN-ip pineqaatissitaasa allattorsimaffiani allassimasut inuit imaluunniit inatsisitigit akisussaasuusut, eqimattat imaluunniit suleqatigiissit aqqinik tamanut nalunaarutiginninnissamut akisussaasuusumik Erhvervsminister-i oqartussaasumik toqqaasinnaavoq. Aqqit oqartussaasut nittartagaatigit tamanut saqqummiunneqartassapput.

Imm. 2. Imm. 1-i naapertorlugu ateq tamanut nalunaarutigisaasimasooq, EU-Tidende-mi tamanut saqqummiunneqartartumi, Den Europæiske Union-imit atuutilersinneqartumi inatsisitigit pituttuisumik isumaqatigiissummi ateq allanneqarpat, EU-mi inatsisitigit pituttuisumik isumaqatigiissummi taamaattumi ateq allanneqassanngitsooq aalajangiunneqarpat, imaluunniit ateq FN-ip pineqaatissitaasa allattorsimaffianiit peerneqarpat, oqartussaasup nittartagaaniit peerneqassaaq.

Imm. 3. Suliffeqarfik aamma inuk, inatsimmut matumunnga ilaatinneqartut, pisariaqanngitsumik kinguarsagaanngitsumik, imm. 1-i naapertorlugu, qallunaani oqartussaasup nittartagaani aqqit tamanut nalunaarutigineqarsimappata, inunniit imaluunniit inatsisitigut akisussaasunit, eqimattanit imaluunniit suleqatigiissitanit pigineqartunik imaluunniit tigummineqartunik pigisanik tigusiffigeqqusaajunnaarsitsinissamut pisussaataitaavoq. Inuk imaluunniit inatsisitigut akisussaasoq, eqimattaq imaluunniit suleqatigiissitaq nittartakkamiit peerneqarpat, pigisanik tigusiffigeqqusaajunnaarsitsinissamut pisussaataitaaneq atorunnaassaaq.«

11. § 35-ip kingorna ikkunneqarpoq:

»§ 35 a. § 1, imm. 1, nr. 5, 8 aamma 11-imut ilaatinneqartoq suliffeqarfik imaluunniit inuit, periarfissatullu allatut aningaasaateqarfiit aningaasaliisartut eqqarsaatigalugit aamma nr. 14, 15, 17 aamma 20, sulisorlu imaluunniit siusinnerusukkut sulisuusimasorlu nipangiussisussaataitaanermik ilanngussatut piumasaqaat pillugu isumaqatigiissuteqarata, sulisuusoq imaluunniit siusinnerusukkut sulisuusimasoq, manna malillugu atuutilersinneqarsimasunik matumunnga inatsimmik aamma maleruagassanik unioqutitsinerit imaluunniit unioqutitsinnaanerit pillugit paasissutissanik, pisortani oqartussaasunut, nalunaaruteqarnissamut periarfissaarutitinneqassanngitsoq, isumaqatigiissumi ersissaaq.

Imm. 2. Imm. 1-i apequtaatinnagu, sulisuusoq imaluunniit siusinnerusukkut sulisuusimasoq, naak inerteqquteqarneq taamaattoq, suliffeqarfiup aamma inuup akunnerminni isumaqatigiissutaanni ilaagaluartoq, aningaasaliisarnermik inatsisinik unioqutitsinerit imaluunniit unioqutitsinnaanerit pillugit paasissutissanik, pisortani oqartussaasunut, nalunaaruteqarnissamut periarfissaarutitinneqanngilaq. § 35 malillugu aqqissuussanut nalunaarutiginninnernut taamatuttaaq atuuppoq.«

12. Kapitali 10-ip kingorna ikkunneqarpoq:

»Kapitali 10 a

Trust-it (aningaasaateqarfiit fond-itut sananeqaatillit) aamma inatsisitigut aaqqissuussat assingusut nunani allani inatsisit naapertorlugit pilersinneqarsimasut

§ 46 a. Trust-imik ingerlatsisuusoq imaluunniit inuk inatsisitigut aaqqissuussami assingusumi atorfimmik assingusumik isumaginnittuusoq, Kalaallit Nunaanni inissiffissimaguni imaluunniit angerlarsimaffeqaruni, ilaatillugit piginnittuut pisinnaatitaaffii pillugit paasissutissat, § 46 c naapertorlugu trust-ip imaluunniit inatsisitigut aaqqissuussap assingusup piginnittuui pillugit paasissutissat, ingerlatsisuusup imaluunniit inuup atorfimmik assingusumik isumaginnittuusup, pissarsiarissavai toqqorsimatissallugillu.

Imm. 2. Trust-imik ingerlatsisuusoq imaluunniit inuk inatsisitigut assingusumi aaqqissuussami atorfimmik assingusumik isumaginnittuusoq, Kalaallit Nunaata EU-llu avataani inissiffissimaguni imaluunniit angerlarsimaffeqaruni, ingerlatsisuusoq imaluunniit inuk atorfimmik assingusumik isumaginnittuusoq,

- 1) § 2, nr. 3 naapertorlugu trust-ip imaluunniit inatsisitigut assingusumik aaqqissuussap aqqani niueqatitaarpat imaluunniit
- 2) trust-ip imaluunniit inatsisitigut assingusumik aaqqissuussap aqqani illuutinik pigisanilluunniit allanik pisiaqarpat,
- 3) trust-imik ingerlatsisuusup imaluunniit inuup inatsisitigut aaqqissuussami assingusumi atorfimmik assingusumik isumaginnittuusup, trust-ip imaluunniit inatsisitigut aaqqissuussap assingusup piginnittuui pillugit paasissutissat, ilaatillugit piginnittuut pisinnaatitaaffii pillugit paasissutissat, pissarsiarissavai toqqorsimatissallugillu.

Imm. 3. Trust-imik ingerlatsisuusoq imaluunniit inuk inatsisitigut aaqqissuussami assingusumi, atorfimmik assingusumik isumaginnittuusoq, ingerlatsisuusup imaluunniit inuup inatsisitigut aaqqissuussami assingusumi, atorfimmik assingusumik isumaginnittuusup, inuk piginnittuinngorsimasoq ilisimalerniaruniuk sapinngisamik piaartumik Erhvervsstyrelsen-ip it-system-iani (qarasaasiami aaqqissuussaataani) imm. 1-i imaluunniit 2 malillugu paasissutissat nalunaarsussavai. Piginnittuusut pillugit nalunaarsugaasunik paasissutissanik allannguinerit suulluunniit, trust-imik ingerlatsisuusup imaluunniit inuup inatsisitigut aaqqissuussami assingusumi, atorfimmik assingusumik isumaginnittuusup allannguummik ilisimasaqalersimanerata kingorna, sapinngisamik piaarnerpaamik nalunaarsorneqartassapput.

Imm. 4. Trust-imik ingerlatsisuusoq imaluunniit inuk inatsisitigut aaqqissuussami assingusumi atorfimmik assingusumik isumaginnittuusoq, EU-mi nunani ilaasortaasuni assigiinngitsuni inissiffissimalluni imaluunniit angerlarsimaffeqarluni, imaluunniit ingerlatsisuusoq imaluunniit inuk atorfimmik assingusumik isumaginnittuusoq, EU-mi naalagaaffinni ilaasortaasuni assigiinngitsuni, trust-ip imaluunniit inatsisitigut aaqqissuussap assingusup aqqani arlalinnik niueqatitaarpat, nalunaarsugaanermut uppernarsaat imaluunniit EU-mi nunami ilaasortaasumi nalunaarsuivimmiit piginnittuut pillugit paasissutissanik tigulaariffigisaq, Erhvervsstyrelsen-ip it-system-iani trust-ip imaluunniit inatsisitigut aaqqissuussap assingusup piginnittuuninik nalunaarsuinerit, taarsiullugu atorsinnaavoq.

Imm. 5. Trust-imik ingerlatsisuusup imaluunniit inuk inatsisitigut aqqissuussami assingusumi atorfirmik assingusumik isumaginnittuusup, trust-imi imaluunniit inatsisitigut aqqissuussami assingusumi piginnittuisut pillugit paasissutissanik nalunaarsugaasunik allannguisoqarsimanersoq akuttunerpaamik ukiumut ataasiarluni misissortassavaa.

Imm. 6. Trust-imik ingerlatsisuusup imaluunniit inuup inatsisitigut aqqissuussami assingusumi atorfirmik assingusumik isumaginnittuusup, trust-imik imaluunniit inatsisitigut aqqissuussamik assingusumik piginnittuisut pillugit, piginnittuussutsip uninnerata kingorna ukiuni tallimani, paasissutissanut pissarsiarineqarsimasunut uppersaatitut allakkiat toqqorsimatissavai. Aammattaaq trust-imik ingerlatsisuusup imaluunniit inuup inatsisitigut aqqissuussami assingusumi atorfirmik assingusumik isumaginnittuusup, trust-imik imaluunniit inatsisitigut aqqissuussamik assingusumik piginnittuisut kinaassusersiniarsarineri pillugit, piginnittuisut kinaassusersiniarsarinerisa naammassisimanerisa kingorna ukiuni tallimani, paasissutissanut pissarsiarineqarsimasunut uppersaatitut allakkiat toqqorsimatissavai.

Stk. 7. Trust-imik ingerlatsisuusup imaluunniit inuup inatsisitigut aqqissuussami assingusumi atorfirmik assingusumik isumaginnittuusup, qinnuteqartoqarnera malillugu, ilaatillugu ingerlatsisuusup imaluunniit inuup atorfirmik assingusumik isumaginnittuusup, trust-ip imaluunniit inatsisitigut aqqissuussap assingusup piginnittuini kinaassusersiniarsarigaluarnera pillugu, trust-ip imaluunniit inatsisitigut aqqissuussap assingusup piginnittuini pillugit paasissutissanik, Aningaasarsianik malunnarunnaarsaasarneq pillugu Kalaallit Nunaanni Allattoqarfimmu tunniussissaaq. Aammattaaq trust-imik ingerlatsisuusup imaluunniit inuup inatsisitigut aqqissuussami assingusumi atorfirmik assingusumik isumaginnittuusup, qinnuteqartoqarnera malillugu, nakkutiginninnissamut- imaluunniit nakkutilliinissamut suliassanik isumaginninnissamut paasissutissat pisariaqartinneqartut, oqartussaasut taakkua nalilerpassuk, eqqaaneqartut paasissutissat oqartussaasunut piginnaasaqartunut allanut tunniutissavai.

Imm. 8. Aningaasarsianik malunnarunnaarsaasarneq pillugu Kalaallit Nunaanni Allattoqarfiup, aammalu oqartussaasut piginnaasaqartut allat, EU-mi nunani ilaasortaasuni oqartussaasunut piginnaasaqartunut aamma aningaasaliisarneq pillugu paasiniaasartoqatigiinnut, imm. 3 naapertorlugu nalunaarsugaasut imaluunniit imm. 7 naapertorlugu pissarsiarineqarsimasut, piginnittuini pillugit paasissutissat akeqanngitsumik ingerlateqqissinnaavaat.

Imm. 9. Erhvervsstyrelsen-ip it-system-iani, imm. 1-miit 4-mut aamma 6-i naapertorlugit paasissutissat nalunaarsorneqartarnerat, pissarsiarineqarsinnaanerit aammalu tamanut nalunaarutigineqartarnerat, ilaatillugit paasissutissat sorlernik trust-imik ingerlatsisuusup imaluunniit inuup inatsisitigut aqqissuussami assingusumi atorfirmik assingusumik isumaginnittuusup, styrelsen-ip it-system-iani nalunaarsuisarnissaa, pillugit Erhvervsstyrelsen-imi maleruagassanik sukumiinerusunik aalajangersaasoqassaaq.

§ 46 b. Taanna inuk imaluunniit taakkua inuit, toqqaannartumik imaluunniit toqqaannanngitsumik trust-imik imaluunniit inatsisitigut aqqissuussamik assingusumik nakkutigisaqartut/aqutaqartut imaluunniit allatut piginnittuussusermut assingusumik piginnaatitaaffeqartut, ilaatillugit

- 1) pilersitsisimasut,
- 2) ingerlatsisuusut imaluunniit inuit atorfirmik assingusumik isumagisaqartut,
- 3) illersuisut, taama ittoqarpat, aamma
- 4) inuit immikkut salliutit imaluunniit inuit trust-ip imaluunniit inatsisitigut aqqissuussap assingusup agguataagaanik iluaquserneqartartut suli trust-imi imaluunniit inatsisitigut aqqissuussami assingusumi ilisimaneqanngippata taanna inunnik eqimattaq, trust-ip imaluunniit inatsisitigut aqqissuussap assingusup pilersinneqarsimaneramik imaluunniit ingerlanneqarneramik pingaarnertut soqtigisalik,

trust-imik imaluunniit inatsisitigut aqqissuussamik assingusumik piginnittuisutut isigineqarpoq.

§ 46 c. § 46 a naapertorlugu piginnittuini pillugit paasissutissanik pissarsiniartartussaq, toqqorsimatitsisussaq aamma nalunaarsuisussaq, trust-imik ingerlatsisuusup imaluunniit inuk inatsisitigut aqqissuussami assingusumi atorfirmik assingusumik isumaginnittuusup, trust-i imaluunniit inatsisitigut aqqissuussaq assingusup sinnerlugu niueqatitaartoraangat imaluunniit § 10 naapertorlugu annertussutsinut killigititaasunik qaangiisunik, periarfissatigut nuussigaangat, trust-imik ingerlatsisuusup imaluunniit inuk atorfirmik assingusumik isumaginnittuusup, trust-i imaluunniit inatsisitigut aqqissuussaq assingusup pillugu nammineq killiffini pillugu piffissarlu eqqorlugu paasissutissanik, inatsit manna malillugu niueqatigisanut/sullitanut ilisimannilerniarnermut periaatsinik ingerlatsisussanik inunnik aamma suliffeqarfinnik tusarliisassaaq.

Imm. 2. Erhvervsstyrelsen-i nalunaarutitik tigusaqaruni, trust-imik imaluunniit inatsisitigut aqqissuussamik piginnittuini pillugit paasissutissanut nalunaarsugaasunut naleqqiullugu § 15 a malillugu naapertuutinnitsoqarnera pillugu Erhvervsstyrelsen-i nalunaarutitik tigusaqaruni, § 46 a, imm. 7, aamma § 46 e, imm. 1-i naapertorlugit pissutsinik misissuinermik Erhvervsstyrelsen-i suliaqassaaq.

Imm. 3. Imm. 2 naapertorlugu misissuinermit ingerlaqatigitillugu Erhvervsstyrelsen-ip nalunaaruteqartoqarnera pillugu nalunaarut Erhvervsstyrelsen-ip it-system-iani tamanut nalunaarutigisinnaavaa. Nalunaaruteqartoqarsimanera pillugu nalunaarummik tamanut nalunaaruteqarnerup siunertaa maangaannartinneqassanngippat, tamanna tamanut nalunaarutigineqartinnagu, nalunaaruteqartoqarsimanera pillugu, ingerlatsisuisoq imaluunniit inuk assingusumik atorfirmik assingusumik isumaginnittuisoq, maalaaruteqarnissamut periarfissaqassaaq.

§ 46 d. Pissutsit nalunaarsorusutat inatsimmi matumani aalajangersakkanik, imaluunniit inatsit manna naapertorlugu aalajangersagaasunik aalajangersakkanik imaluunniit trust-ip imaluunniit inatsisitigut aaqqissuussap assingusup malittarisassiaanik naammassinninngippata, nalunaarsuisoqaqquusaanngilaq. Aammattaaq inatsit manna naapertorlugu imaluunniit inatsit manna naapertorlugu aalajangersagaasut aalajangersakkat naapertorlugit, imaluunniit trust-imi imaluunniit inatsisitigut aaqqissuussami assingusumi malittarisassat naapertorlugit, nalunaarsuinermit tunngavuisimasoq aalajangiineq, pilersimanngippat nalunaarsuisoqaqquusaanngilaq.

Imm. 2. Nalunaaruteqartartoq, Erhvervsstyrelsen-ip it-system-iani pisumik nalunaarsuisoq, imaluunniit tamanna pillugu Erhvervsstyrelsen-ip it-system-iani nalunaaruteqarnissamut nalunaarummik nassiussisoq, nalunaarsuineq imaluunniit nalunaaruteqarneq inatsisit naapertorlugit pisoq, ilaatillugu naammagintartumik fuldmagt-imik piginnaatitaassummik, aammalu nalunaarsuinermit atatillugu uppenarsaatitut allakkiamik imaluunniit nalunaarummik atuuttumik peqarnera pillugu, qularnaarissaaq.

Imm. 3. Erhvervsstyrelsen-ip it-system-iani tamanut saqqummiunneqartunut imaluunniit, manna inatsit malillugu tamanut saqqummiussassatut il.il., Erhvervsstyrelsen-imut nassiunneqartunut, uppenarsaatitut allakkianut il.il., imm. 1 aamma 2 taamatuttaaq atuupput.

§ 46 e. Inatsit aamma maleruagassat, inatsit malillugu aalajangersagaasut, aamma trust-ip imaluunniit inatsisitigut aaqqissuussap assingusup malittarisassiai malinneqarnersut, isummerfigisinnaajumallugu, Erhvervsstyrelsen-i nalunaarsuinermit oqartussaasuusutut, paasissutissat pisariaqartut piumasaqaatigisinnaavai.

Imm. 2. Kapitali manna malillugu aalajangersagaasut maleruagassat malillugit nalunaaruteqarnermi aamma nalunaarsuinermi, Erhvervsstyrelsen-i nalunaarsuinermit oqartussaasuusutut, nalunaarsuinermit piffissamiit ukiut pingasut tikillugit, nalunaaruteqarneq imaluunniit nalunaarsuineq inatsisit malillugit ingerlanneqarsimaneranut uppenarsaatitut allakkianik nassiussisoqarnissaa pillugu piumasaqaateqarsinnaavoq. Oqaaseqatigiit siulliit naapertorlugit piumasaqaatit naammassineqanngippata, Erhvervsstyrelsen-i nalunaarsuinermit oqartussaasuusutut, pissutsit iluarsineqarnissaannut, piffissarititamik aalajangersaassaaq.«

13. § 49, imm. 1-imi, oqaaseqatigiit aappaattut ikkunneqarpoq:

»Paasissutissat Finanstilsyn-ip nakkutiginninneranut pingaaruteqartut, nammineerussamik aammalu piaarnerpaamik tunniunneqartassapput.«

14. § 49-mi imm. 1-ip kingorna, immikkoortutut nutaatut ikkunneqarpoq:

»Imm. 2. Suliffeqarfii aamma inuit, imm. 1-i malillugu paasissutissanik tunniussisimasut, imaluunniit imm. 7-i malillugu atuutilersinneqartut maleruagassat malillugit suliffeqarfiup imaluunniit inuup tamatuma kingorna tulliuuttut paasigunikkit:

- 1) Tunniussinermut piffissami paasissutissat eqqorsimannngitsut.
- 2) Paasissutissat kingusinnerusukkut eqqortuujunnaarsimassut,
- 3) piaarnerpaamik Finanstilsyn-ip tungaanut paasissutissanik iluarsisallutik pisuussaaffeqarput.«

Imm. 2-miit 5-imut tamatuma kingorna imm. 3-miit 6-imunngussapput.

15. § 49, imm. 5-imi, imm. 6-inngortumi, »4« allanngortinneqarpoq imaalillugu: »5«.

16. § 49-mi imm. 7-itut ikkunneqarpoq:

»Imm. 7. Matumunnga inatsimmut ilaatinneqartunik suliffeqarfinnik aamma inunnik aarlerinaateqartutut Finanstilsyn-ip naliliiviginninnissaanut atugassanik pisariaqartunik paasissutissanik nalunaaruteqartarneq pillugu Finanstilsyn-i maleruagassanik sukumiinerusunik aalajangersaasinnaavoq.«

17. § 51 a-p kingorna ikkunneqarpoq:

»§ 51 b.

§ 1, imm. 1, nr. 1-8, 10, 11, 19, 23 aamma 24-imut ilaatinneqartoq suliffeqarfik imaluunniit inuk, matumani inatsimmi aalajangersakkanik, imaluunniit matumunnga atuutilersitanik maleruagassanik, ilungersunartumik unioqquutitsisoqartarneranik paasisaqartoqarsimatillugu, suliffeqarfik imaluunniit inuk taamaattoqarallannerani nutaanik sullitartaartoqquusaanngitsok, Finanstilsyn-ip peqqusiffigisinnaavaa. Suliffeqarfiup nunani allani immikkoortortaqarfiani tamakkiisumik imaluunniit

ilaannakortumik unioqutitsisarsimaneq pisarsimappat, peqqusissut immikkoortorta qarfimmik ilaqartissallugu annertusineqarsinnaavoq.

Imm. 2. Unioqutitsisarneq unittoq Suliffeqarfiup imaluunniit inuup Finanstilsyn-imut allakkiatigut uppersarsinnaappagu, imm. 1-i malillugu peqqusissut unissaaq.«

19. (Kalaallit Nunaannut atuutilersinneqassanngilaq)

20. § 78, *imm. 1, oqaaseqatigiit aappaanni,* »§ 6, imm. 1, oqaaseqatigiit aappat,«-p kingorna ikkunneqarpoq: »§ 6 a,«, »§ 17, imm. 1 aamma 2« imaalillugu: »§ 17, imm. 1-4« allanngortinneqarpoq, »§ 25, imm. 1 aamma 2« imaalillugu: »§ 25, imm. 1-3« allanngortinneqarpoq, »§ 29, imm. 2« imaalillugu: »§ 29, imm. 4 aamma 6« allanngortinneqarpoq, »aamma 31,«-ip kingornagut: »§ 31 b, imm. 1,« ikkunneqarpoq, »§ 35, imm. 1,« -ip kingornagut: »§ 35 a, imm. 1,« ikkunneqarpoq, »§ 36, imm. 1 aamma 2,«-p kingornagut: »§ 36 a,« ikkunneqarpoq, aamma »§ 48, imm. 1« imaalillugu: »§ 48, imm. 1 aamma 2« allanngortinneqarpoq.

21. § 78, *imm. 2-mi,* »§ 17, stk. 1 og 2« imaalillugu: »§ 17, stk. 1-4« allanngortinneqarpoq, »oqaaseqatigiit siulliit, aamma« imaalillugu: »oqaaseqatigiit siulliit,« allanngortinneqarpoq, »40« imaalillugu: »40 aamma § 49, imm. 2,« allanngortinneqarpoq.

22. § 78-ip kingorna ikkunneqarpoq:

»§ 78 a. § 7, imm. 1-imik imaluunniit 2-mik, § 8, imm. 1-4-mik imaluunniit 6-imik, § 9, imm. 1 imaluunniit 2-mik, § 10, § 11, imm. 1-imik imaluunniit 2-mik imaluunniit imm. 3, oqaaseqatigiit siulliannik, pingajuinik imaluunniit sisamaannik, § 12, § 14, imm. 1-imik, imm. 2, oqaaseqatigiit aappaannik, imm. 3-mik, imm. 4, oqaaseqatigiit aappaannik, imaluunniit imm. 5-imik, § 15, § 17, imm. 1-imik imaluunniit 2-mik, § 18, imm. 1-6-imik, § 19, § 20, § 22, imm. 2-mik imaluunniit 3-mik, § 24, imm. 1, oqaaseqatigiit aappaannik, imaluunniit imm. 2-mik imaluunniit 3-mik, § 25, imm. 1-imik imaluunniit 2-mik, § 26, imm. 1-imik imaluunniit 3-mik imaluunniit imm. 4, oqaaseqatigiit siulliannik, §§ 30-imik, 31-mik, 40-mik imaluunniit 43-mik imaluunniit § 48, imm. 1-imik unioqutitsineq, akiliisitsinermut annertunerusumik nassataqassanngitsoq naatsorsuutigineqarpat, taanna inuk imaluunniit inatsisitigut akisussaasoq (ass. suliffeqarfik), unioqutitsisuusimasoq, unioqutitsinermut pisuusutut nassueruteqarpat, aammalu sukumiinerusumik piffissarititaasup allaatigineqarsimasup iluani akileeqqusissummi allanneqarsimasutut akileeqqusissut akilerumallugu, piareersimasutut nalunaarpat, suliaq eqqartuussinertaqanngitsumik aalajangiivigineqarsinnaasoq, Finanstilsyn-ip akileeqqusissummi ersersinnaavaa, taamaattoq takujuk imm. 2.

Imm. 2. Unioqutitsisimaneq naatsorsuiner talimmik naliliinissamut pissutissaqartitsisoq, imaluunniit akiliisitsissuttip annertussusianut aallaavisoq saneqqunneqassasoq, Finanstilsyn-ip naliliinerippagu, eqqartuussinertaqanngitsumik akileeqqusissummik atuutilersitsitinnani, Immikkut Ittunik Aningaasaqarnermut aamma Nunani tamalaani Pinerlunniarnernut Naalagaaffiup eqqartuussissuserisuanii akuersissummik Finanstilsyn-i pissarsereersimassaaq.

Imm. 3. Unnerluussuttip allagartaata imarisaanut piumasaqaat pillugu aamma unnerluutigineqartup oqaaseqartussaataannginnera pillugu eqqartuussisarneq pillugu inatsimmi maleruagassat, imm. 1-i malillugu akileeqqusissummut, taamatuttaaq atuupput.

Imm. 4. Akileeqqusissut atuutilersinneqarpat, malersueqqinnissaq atorunnaarsinneqassaaq. Atuutilersitsineq eqqartuussutitut sunniuteqarpoq.«

24. § 80, *imm. 1-imi,* »4« allanngortinneqarpoq imaalillugu: »5«.

25. § 80-imi *imm. 6-itut* ikkunneqarpoq:

»*Imm. 6.* Suliffeqarfiup imaluunniit inuup pisussaaffitik, § 29, imm. 4 malillugu akisussaaffigisatik, naammassinngippagit, Aningaasarsianik malunnarunnaarsaasarneq pillugu Kalaallit Nunaanni Allattoqarfiup, pinngitsaaliissutitut inuk, suliffeqarfik imaluunniit suliffeqarfimmu akisussaasuusut inuit, ullormut imaluunniit sapaatit akunnikkaartumik pinngitsaaliissutitut akiliisitsissutinik peqqusissuteqarfisarsinnaavai.«

Marselisborg Slot-imi tunniunneqarpo, ulloq
Kunngisut Atsiorpugut Naqissusiillutalu

MARGRETHE R.

/ [Minister-ip aqqa ikkunneqassaaq]